



National Agricultural Research Institute

Sapos yu laik kisim sampela moa bilong
dispela toktok yu ken rait ikam long:

Research Programme Leader
National Agriculture Research Institute
Dry Lowlands Programme - Laloki
PO Box 1828
PORT MORESBY
National Capital District
Papua New Guinea

Telephone: (675) 3821068/3281015
Facsimile: (675) 3281075
Email: dlplaloki@datec.com.pg

Toktok Bilong Neem Diwai



NARI TOKTOK
LAL005P

August 2002

Neem Diwai

Neem emi wanpela bus diwai bilong kantri India long South East Asia, nau igro or kamap planti long drai ples long nambis bilong Papua Niugini wei igat liklik ren na longpela taim bilong san (drai sisen). Long kantri bilong yumi Centrol Provins em wanpela kain ples wei yu ken painim planti diwai igro stap. Mama neem diwai iken gro igo antap inap long mak bilong ten mita (10m), na igat longpela liklik lip wei arere bilong lip iluk olsem tit bilong saw igo antap long pinis bilong lip. Ol prut bilong diwai neem iliklik na luk olsem kiau bilong liklik pisin. Taim prut ikamap nupela bai luk grin na tanim yelo taim imau. Diwai neem isave karim prut tupela taim long wanwan yia.

Marasin

Ol mau prut bilong neem diwai igat marasin istap insait long ol wei yumi iken rausim na usim olsem binatang marasin. Long wok painim aut long Agrikalsa Research long Centrol Provins isoim olsem neem wara marasin iken kilim ol kain kain binatang isave bagarapim lip kumu bilong yumi.

NARI EM WANEM

Nesanel Agrikalsa Rises Insitut (NARI) em i kamap long wanpela mama lo long Nesanel Palamen blong Papua Niugini long mun Julai insait long yia 1996. NARI em wanpela blong ol han blong gavman wei bai kamapim gutpela wok painim aut long ol kainkain kaikai blong gaden, ol narapela niupela kain kaikai ol man ino save gut, ol krop blong salim, ol abus na tu lukluk long wei blong lukautim ol resos (giraun, wara, diwai) blong kantri. NARI tu save kamapim ol wok painim aut long ol sik, sekim ol gutpela na nogut marasin stap insait long ol plants na givim toksave long stretim ol dispela kain hevi. NARI save givim niupela save long wok agrikalsa insait long Papua Niugini. Ol wok NARI i kamapim em blong halipim ol liklik fama long ples.

Nambawan as tinting blong NARI em long kamapim gut wok agrikalsa insait long kantri bihain long ol wok painim aut. Long kamapim gut wok blong agrikalsa, NARI save painim aut ol gutpela wei, traim ol niupela na gutpela wei and sapos i wok, em i traim long soim ol fama manmeri. Long dispela wei, NARI laik kamapim:

- kirapim gutpela na strongim wok blong ol fama, wei blong wok didiman go srtet na bai strongim agrikalsa blong nau na bihan taim,
- bai kamapim wei long kisim moni, bai kamapim gutpela kaikai na moa kaikai olgeta taim na tu bai stretim gutpela sindaun blong ol manmeri blong Papua Niugini

**Dispela toktok em Anna Kawi iraitim long NARI
Dry Lowlands Programme long mun August 2002.**

Ol narapela wok bilong neem diwai

Long as ples wei neem diwai ikamap long em, igat planti arapela samting ol isave mekim wantaim neem:

- ples o tumbuna marasin bilong rausim sik
- binatang marasin
- oil bilong diwai isave mekim ol drai bin sid long noken bagarap hariap
- oil bilong diwai long mekim sop, na kerosin
- wokim haus na paia wud

Wei bilong kisim na lukautim neem prut bilong wokim marasin

Prut imau na tanim yelo isave pundaun long graun o taim pisin ikaikai skin bilong prut antap long diwai.



Kisim mau prut tasol na pulumapim long baket wara na lusim istap long nait inap moning.



Rausim skin, wasim gut ol sid na draim long san inap long tri igo inap faivpela deis (wankain olsem taim yu draim kopi bins)



Taim ol sids idrai gut pinis yu mas pulumapim insait long baket o pepa beg na putim long gutpela drai ples inap taim yu laik mekim binatang marasin.

I tambu tru long pulumapim drai sids long plasti beg, hit insait long plasti bai bagarapim ol sids.

